

Bophatlalatsi ba Ditaba: Mme MARY BAINE O KGETHILWE HO BA MONGODI E MOTJHA WA PHETHAHATSO WA ATAF

Tshwane, 04 Phuptjane 2025 - Khomishenara ya SARS Mong. Edward Kieswetter o motlotlo ho tsebisa ka khiri ya **Mme Mary Baine** jwalo ka **Mongodi wa Phethahatso wa African Tax Administration Forum**, ho tloha ka la 1 Phupu 2025. Mme Baine o latela Mong. **Logan Wort**, ya bileng Mongodi wa Phethahatso wa ATAF haesale hoba e thehwe ka 2009.

Mme Baine o tla ka boiphihlelo bo matla ba boetapele mmoho le boikitlaetso ba ho tswellisa pele mekgwatshebetso ya lekgetho e hlohang leeme, e sebetsang ka ho phethala le e akaretsang bohle ho phatlalla le kontinente ya Afrika. Pele a kgethelwa sena, o bile Motlatsi wa Mongodi wa Phethahatso wa ATAF, moo a etelletseng pele mokgatlo ho tse mabapi le meralo e mawala, tshebedisano ya matjhaba mmoho le mekutu e mengata mona Afrika ka boqhetseke bo boholo. Pele a ikamahanya le ATAF, Mme Baine o dutse tse maratswana mmusong wa Rwanda, ho akareditswe le ho ba **Khomishenara-Kakaretso wa Bolaodi ba Pokello ya Lekgetho Rwanda** mmoho le **ho ba Mongodi wa Moshwelella Lefapheng la Merero ya Matjhaba**. Tshebetsong ya hae e hlwahlwa e pakahatswa ke lerato le tjheseho ya ntshetsopele ya Afrika mmoho le matsapa a hae a se feleng moya a ho ntlafatsa ho sebediswa ha mehlodi ya lapeng mona jwalo ka motheo wa kgolo ya nako e telele.

Ka nako ya ho tsebahatswa ha khiri ena ya hae, Modulasetulo wa ATAF Mong. Edward Kieswetter o boletse hore: "Ho kgethwa ha Mme Baine ke sesupo sa kgaolo e ntjha le e tlatsang morolo leetong lena la ATAF. Boiphihlelo ba hae bo batsi, bo pakahatswang ke boetapele mmoho le boitelo bo sa sutheng hodima sepheo sa Foramo ena, bo mmeha maemong a ikgethang a ho etella pele ATAF mokgahlelong o latelang wa leeto la yona."

SARS e kgathile tema ya ho ba matsibolo jwalo ka setho seo e leng mothehi wa ATAF, eo ntlokgolo ya yona e leng Pretoria. Tema ena e hlahella ka hara maikemisetso a mawala a SARS a ho sebetsa mmoho le bakgathatema ho ntlafatsa tikoloho ya tsa lekgetho hore e tle e tswelle bohle molemo.. Hwa bohlokwa, mosebetsi wa bolaodi ba lekgetho mona Afrika ha se feela ho ntlafatsa kopano empa e le ho tlisa katamelano ya dikamano tsa tshebetso mmoho le melemo ya kopanelo e leng seo SARS e dumellanang le sona.

ATAF ke e nngwe ya mekgatlo ya bohlokwa eo marangrang a yona a tobileng ho ntlafatsa mekgwatshebetso ya tsa lekgetho mona Afrika ka ho arolelana tsebo, ntshetsopele ya bokgoni mmoho le kabelo e bonahalang mananetsamaisong a lebatowa ka ntshetsopele ya Afrika e tataiswang ke maano le maemo a tsepameng. Ka ho tsitlallela ho aha bolaodi ba lekgetho bo sebetsang ka ho phethahala mona Afrika, ATAF ke moifo o itlhomngeng pele mona kontinenteng ya Afrika ditabeng tsa lekgetho,, mme seo se tshehetsa ho ntlafatswa ha ikonomi ya kontinente, mme seo se ntlafatse maemo a bophelo a batho ba Afrika.

Jwalo ka Mongodi Kakaretso e motjha, Mme Baine o tla tswela pele ho kgothatsa le ho etella pele tsela e mawala ya ATAF, o tla etella pele ditabatabelo tsa ditho tsa yona tse 44 mmo le tsa Kontinente ya Afrika mmoho le ho tshehetsa lenanetsamaiso le dulang le ntse fetoha la ntshetsopele mona Afrika.

ATAF e lakatsa ho leboha ho menahane boetapele bo hlwahlwa bo bontshitsweng ke **Mong. Logan Wort** dilemong tse 15 tse fetileng. Ka tlasa boetapele ba hae, ATAF e ile ya hola ho ba setheo se hlomphuwang le se kgathang tema ya bohlokwa ho boptjweng ha leano la

lekgetho, ntlafatsaong ya bokgoni mmoho le ho phahamiswa ha tshebedisano ya lekgetho matjhabeng molemong wa dinaha tsa Afrika.

Ha a ne a phethela Modulasetulo wa ATAF Chairperson o itse, "Mong. Wort o siya lefa la bohlwahlwa, botshepehi le sefutho. Ha re amohela Mme Baine temeng ena e ntjha eo a tlang ho e kgatha, re ikemiseditse ho ahella hodima motheo ona o matla le ho akofisa tswelopele e lebisang ho Afrika e lekalekanang le e tlisang katleho ho bohle".

KE PHETHO